

Contacts ein sin buna via

Ei dat in gi da romontsch alla scola da Flem

DAD AUGUSTIN BEELI/FMR

■ **Igl onn vargau han ils responsabls dalla Cuminonza romontscha da Flem buca saviu sch'ei gartegi ni buc. Margis sera ha la suprastanza saviu presentat ils resultats dils contacts culla scola da Flem.** La scola, il menaschi e las diversas partiziuns seigien confruntai tugi cun damondas. Tier projects da sport, cultura ed economia, inaguraziuns, averturas, accziuns e fiastettas, enquerien ils organisaturs ina fuorma da cooperaziun. Quei ha il menader dalla scola da Flem, *Marc Cathomas*, confirmau en siu cuort plaid. Suenter biars onns eis el separicipaus margis sera puspei alla radunonza generala dalla Cuminonza romontscha da Flem. Buca ch'el havessi negin interess dil romontsch a Flem, ha el sincerau. Per ademplier sias incumbensas optimalmein stoppi in meinascola denton esser neutrals ed independents. Perquei seigi el commember da neginas uniuns e gruppažiuns a Flem. Gest en vesta allas numerusas damondas d'involver la scola en occurrenz stoppi el defender ils interess ed accents da quella. Il bia mondi tuttavia per ina buna caussa, la scola stoppi denton seconcentrar sigl essenzial, e quei seigi d'ademplier siu program rigid dil plan d'instrucziun.

Il coronavirus ha stuschau il termin

Che quei program ei carschius e semidaus, e ch'in menaschi da scola ei vegnius pli complex, ei enconuscent generalmein. «Dasperas resta pauc per activitads», ha *Cathomas* puntuau. Avon in onn e miez haveva era la Cuminonza romontscha da Flem (CRF) spluntau tier el. Pervia d'in schenghetg. Ins ha vultu regalar alla scola las 30 tablas veglias d'alumini dalla senda romontscha Foppa-Scheia. Avon in onn, ils 16 da zercladur 2019 ha la CRF inaugura, ensemen culs representants dalla Ligia Romontscha e 60 persunas, la senda cullas tablas novas.

Marc Cathomas e sia squadra han buca refusau il schenghetg. Igl onn vargau haveva il president dalla Cuminonza romontscha, *Hanspeter Meiler*, saviu

communicar ch'il president dil cussegl da scola, *Peter Reiser*, seigi semussaus aviarts per ina collaboraziun en ina fuorma ni l'otra. Silsunter fuvu ina sesida communabla stada prospereivla ed ins ha la finala discutau d'organisar in «Gi da romontsch».

Quei gi da romontsch alla scola da Flem ha la CRF mess el center da siu program d'activitads 2020. Cul «lock-down» haveva denton negin quintau, quel ha era influenzau il program dil proxim onn da scola. Il gi tematic havevan ins ins fixau sigl 1. d'october. Il coronavirus stauscha ussa quel silla primavera 2021. Las preparativas cuntinueschan daferton cul medem entusiassem.

Igl ei planisau d'inaugurar las tablas romontschas cun in pign act. En collaboraziun culs promoturs regiunals dalla Ligia Romontscha sviluppa il team da scola in program accumpignont pil gi da romontsch. *Alice Bertogg-Darms* e *David Flepp* ein involvi. Alla radunonza han els ludau la collaboraziun constructiva ed emperneivla culla scola da Flem.

En contractivas cun l'organisasiun turistica FLF

Sper quei tierm empermettent ha la suprastanza dalla CRF presentau ulteriurs. L'uniun ha retschiert el decuors digl onn vargau in bi diember da commembras e commembers novs. In stausch leutier ha denter auter il Festival dil mund romontsch dil settember 2019 dau. 1400 persunas hagian visitau quell'occurranza el Livingruhm a Flem. La Ligia Romontscha ha presentau lu l'emprema gada a Flem siu product linguistic «Per gassas e streglias – laufend Romanisch lernen». Sco Flepp ha explicau alla radunonza dalla CRF cuntinuesch'ins cun quella purschida culturala.

Ina sfida ei la collaboraziun cun Flem Laax Falera Turissem. Deplorablemein seigi ei aunc buca reussiu da perschuer l'organisasiun pil product. Quel s'accorda da principi stupent culla purschida da mussar articularitads localas al hosp da vacanzas. Buca mo la natira indigena cun flora, fauna e geologia, mobein era ils carstgauns e lur cultura duessen esser attractivs avunda



Il president dalla Cuminonza Romontscha da Flem Hanspeter Meiler ri sut la mascra «Tgi che sa romontsch, sa dapli». La radunonza ha el menau senza quella. Seniester la cassiera Renata Jäger-Camenisch, dretg igl actuar Giosch Gartmann. FOTO AUGUSTIN BEELI

per mussar ed informar. LR e CRF vegnan a cuntinuar lur contractivas, finamira eis ei d'integrar las guidadas linguisticas el program regular d'occurranzas da Flem Laax Falera Turissem.

Café Rumantsch e Cant Aviert

In punct empermettent ei il «Café Rumantsch», in product dalla Ligia Romontscha. Quel dat ei uonn per l'emprema gada era a Flem. *Claudia Margison-Casanova*, carschida si a Falera e senta a Flem, vegn a menar las scuntradas regularas mintgamai igl emprem margis dil meins. Igl emprem termin ei igl 1. da settember 2020.

E la CRF revitalisescha in'ulteriura sentupada. Pil «Cant aviert» tradiziunal ei la sala dalla pleiv evangelica sil Plaz reservada duas gadas quest atun. Da niev meina *Rica Maria Cathomen* da Falera quel. Ils 20 d'october ed ils 17 da november han ins caschun da s'entupar, cantar da cumpignia e tgirar ils contacts cun in program genuin.



In gi da romontsch ella casa da scola a Flem. FOTO MARCO HARTMANN

reclama

Wochenend-Knaller

Gültig am 12. und 13. Juni 2020

20%

auf alle Champagner und Schaumweine* – auch auf bestehende Aktionspreise!

Gültig in allen Denner Verkaufsstellen, unter denner.ch/weinshop und in der Denner App.

*Ausgenommen Online Specials und Einzelflaschen mit gelbem Rabattkleber. Nicht mit anderen Gutscheinen und Bons kumulierbar. Solange Vorrat.

Denner Lammhüftli

Australien/Neuseeland/Irland/Grossbritannien, 2 Stück, ca. 400 g, per 100 g



44%
2.49 statt 4.49*

Tallino Roero Arneis DOCG

2019, Piemont, Italien, 6 x 75 cl



Flasche **5.95** statt 9.95*
40%
35.70 statt 59.70*

Vogue Superslims

• Bleue
• Lilas
• Menthe
Box, 10 x 20 Zigaretten



- 8 Fr.
87.- statt 95.-*
Einzelpackung 8.70 statt 9.50*

*Konkurrenzvergleich

Solange Vorrat / Druck- und Satzfehler vorbehalten / jetzt abonnieren: denner.ch/newsletter

Einer für alle **DENNER**